

Escrito por VM
Venres, 01 Xuño 2012 08:06



A directora xeral de Comercio, Nava Castro, entregou onte en Nigrán na tenda de moda [Sotobó](#) o segundo premio do certame Re-Mírate de fotografía comercial, un concurso organizado pola Consellería de Economía e Industria na súa continua aposta polas novas tecnoloxías aplicadas ao sector comercial e á promoción do mesmo.

Todos os establecementos premiados neste galardón, que tiña por obxectivo buscar unha nova imaxe para o Portal do Comerciante, <http://portaldocomerciante.xunta.es>, da Dirección Xeral de Comercio, recibirán o asesoramento dun experto en escaparatismo e visual merchandising. As fotos foron escollidas polos votos recibidos a través da páxina en Facebook da Rede de Dinamización Comercial Re-dic, www.facebook.com/portaldocomerciante, e da decisión dun xurado.

No acto de entrega do galardón a directora xeral de Comercio recordou que a protección e a modernización do comercio de proximidade é un obxectivo prioritario para a Consellería de Economía e Industria, que ten en marcha o Plan Ágora, Agora Re-Comercia.

Nava Castro felicitou aos responsables do establecemento, unha tenda de moda urbana para home cunha importante presenza en internet e nas redes sociais, tanto polo galardón recibido como pola dinamización da súa tenda, na que as novas tecnoloxías xogan un importante papel.

Portal do Comerciante

Escrito por VM

Venres, 01 Xuño 2012 08:06

O Portal do Comerciante, posto en marcha pola Consellería de Economía e Industria a finais do mes de xullo pasado, é unha web pioneira que ten por obxectivo impulsar a mellora competitiva do sector comercial en Galicia. Trátase dunha nova ferramenta de información e formación para o comercio de proximidade, que facilita a creación de novos negocios, a análise da viabilidade de novos proxectos, así como diversos servizos interactivos abertos á participación permanente de comerciantes e consumidores. Entre estes, destaca especialmente a posta en marcha dunha asesoría on line que permite realizar consultas rápidas a expertos da Dirección Xeral de Comercio. Este portal constitúe unha ferramenta útil e accesible para o sector con contidos especializados para impulsar a modernización e o desenvolvemento do comercio galego.